

Desde Desenvolvemento Local do Concello de Verín infórmase da *terceira modificación modificación da orde pola que se regula o proceso de selección de entidades colaboradoras na xestión de subvencións para promover a sociedade da información no comercio retalista*.

Modifícase o título da Orde do 11 de agosto de 2011 (DOG núm. 164, do 29 de agosto), modificada pola Orde do 26 de setembro de 2011 (DOG núm. 187, do 29 de setembro) e pola Orde do 16 de decembro de 2011 (DOG núm. 241, do 20 de decembro), pola que se regula o proceso de selección de entidades colaboradoras na xestión de subvencións da Consellería de Economía e Industria para promover a sociedade da información no comercio retalista galego, se aproban as bases reguladoras das ditas subvencións e se procede á súa convocatoria para o ano 2011, cofinanciada polo Feder, no marco do Programa operativo Feder-Galicia 2007-2013, que queda redactado do xeito seguinte: “Orde do 11 de agosto de 2011 pola que se regula o proceso de selección de entidades colaboradoras na xestión de subvencións da Consellería de Economía e Industria para promover a sociedade da información no comercio retalista galego, se aproban as bases reguladoras das ditas subvencións e se procede á súa convocatoria para o ano 2012, cofinanciada polo Feder, no marco do Programa operativo Feder-Galicia 2007-2013”.

Artigo 2. Modifícase o parágrafo segundo do artigo 1 da Orde do 11 de agosto de 2011: “Así mesmo, por medio desta orde apróbanse as bases reguladoras das ditas subvencións e procedese á súa convocatoria para o ano 2012 (anexo II)”.

Artigo 3. Modifícase o artigo 13.4 do anexo I da Orde do 11 de agosto de 2011: “No prazo dun mes desde a notificación da avaliación previa positiva á entidade colaboradora, deberá realizarse a actuación subvencionable e presentar a entidade colaboradora a documentación xustificativa correspondente. En todo caso, a data límite de xustificación é o 10 de novembro de 2012”.

Artigo 4. Modifícase o artigo 1.1 do anexo II da Orde do 11 de agosto de 2011: “A subvención regulada por estas bases ten por obxecto promover a sociedade da información no sector do comercio retalista galego, mediante a adquisición de ordenadores, software de xestión e outros equipamentos por parte dos comerciantes retalistas galegos para o ano 2012”.

Artigo 5. Modifícase o parágrafo terceiro do artigo 2.1.2.º do anexo II da Orde do 11 de agosto de 2011: “Non obstante, os/as solicitantes e beneficiarios/as quedarán exentos/as de achegar os xustificantes do cumprimento das obrigas tributarias e fronte á Seguridade Social, e de non ter pendente de pagamento ningunha outra débeda coa Administración pública da comunidade autónoma ou ser debedor/a por resolución de procedencia de reintegro, no caso de preverse

tal exención na normativa orzamentaria da Comunidade Autónoma de Galicia para o ano 2012”.

Artigo 6. Modifícanse os parágrafos primeiro e segundo do artigo 3.1 do anexo II da Orde do 11 de agosto de 2011: “A Consellería de Economía e Industria destinará para o financiamento deste réxime de subvencións os créditos globais correspondentes á aplicación orzamentaria dos orzamentos da comunidade autónoma para 2012, que se menciona a continuación: Aplicación orzamentaria: 08.03.751A.770.1 “modernización e fomento da calidade no comercio retalista”, exercicio 2012: 438.396,94 €. Esta convocatoria está financiada nun 70%, polo Fondo Europeo de Desenvolvemento Rexional (Feder) e no 30% restante polo FCI. As actuacións previstas están comprendidas no Programa operativo Feder Galicia 2007-2013, dentro do eixe 2, tema prioritario 08, actuación 08”.

Artigo 7. Modifícase o artigo 5.1 do anexo II da Orde do 11 de agosto de 2011: “A partir do día seguinte ao da publicación no Diario Oficial de Galicia da correspondente orde do conselleiro de Economía e Industria pola que se proceda á apertura do prazo de presentación de solicitudes de subvención, iniciárase o citado prazo que permanecerá aberto ata o 10 de novembro de 2012, ou ata que se esgote o crédito orzamentario se se produce este esgotamento en data anterior. A relación íntegra de entidades colaboradoras deberá publicarse no DOG con carácter previo á citada orde de apertura do prazo de presentación de solicitudes de axuda, ou conxuntamente con esta”.

Artigo 8. Modifícase o primeiro parágrafo do artigo 6.6 do anexo II da Orde do 11 de agosto de 2011: “No prazo dun mes desde a notificación da avaliación previa positiva á entidade colaboradora, deberá realizarse a actuación subvencionable e presentar a entidade colaboradora a documentación xustificativa correspondente. En todo caso, a data límite de xustificación é o 10 de novembro de 2012”.

Artigo 9. Modifícase o artigo 9.7 do anexo II da Orde do 11 de agosto de 2011: “Os/as beneficiarios/as quedarán exentos de xustificar que se encontran ao día do pagamento das obrigas coa Facenda pública do Estado, da Administración autónoma, así como coa Seguridade Social, ou ser debedor/a por resolución de procedencia de reintegro, no caso de preverse tal exención na normativa orzamentaria da Comunidade Autónoma de Galicia para o ano 2012”.

Artigo 10. Modifícanse os seguintes parágrafos dos anexos que se refiren:

1. Anexo V, folia 2: modifícase o título do anexo, que queda redactado como segue:
“declaración-compromiso para os efectos do sinalado no artigo 8.3 da Lei 9/2007, de subvencións de Galicia, para o procedemento IN214A-2012”.

2. Anexo V, folia 3: modifícase a referencia á lexislación aplicable de acordo co previsto no artigo 1 desta orde.

Así mesmo, o último parágrafo do anexo V, folia 3, onde dí: “en todo caso, a data límite de xustificación é o 30 de decembro de 2011”, queda redactado do seguinte xeito: “en todo caso, a data límite de xustificación é o 10 de novembro de 2012”.

3. Anexo VII: modifícase a referencia á Orde do 11 de agosto de 2011, de acordo co previsto no artigo 1 desta orde.

Para máis información deben dirixirse á oficina de Desenvolvemento Local, situada no primeiro piso do Concello de Verín ou no teléfono 988-410000.